

punctis lineæ totidem versus p. ad superiorem vsque h. & l. m. transuersam describentur. Sic enim effeceris, vt hæc perinde atq; inferior in aquas portiones distincta, ipsi proportionem certa exæquetur. Proportionem intelligo, quod sicuti superior linea inferiore aliquanto breuior est, ita & in portiones quidē numero æquales, sed spatio paulo minores quàm inferioris lineæ interualla sunt diducitur. Porro his ita diligenter cōfectis, superiori i. h. & k. m. linea vnā cum punctis omnibus in fundamentum superius translata, crucis lineæ ita accommodabitur, vt i. super i. h. itidem super h. exactè incubet: vbi & l. m. punctus exarabitur, vnde circularis muri omnes ducti, k. centrum ex æquo fortiantur. Quibus ita definitis, statim & arearum intra ipsos muros sese offeret amplitudo. Consimiliter & muri directi, non secus ac circulares, ex suis deducētur punctis. Hic igitur modus est, fundamentum superius ita definiendi perscribendiq; vt valli structura ex imo cūfurgens, sursum versum paulatim introrsum coeat: verum eandem rem infra linearum perscriptione sub aspectum proferemus, vt quod hactenus a nobis oratione expositum est, id ipsum semel vniuersum intueri liceat.